



**Uunga siunnersuut: Tusagassiuutinuq tapiissuteqartarneq pillugu Inatsisartut inatsisaat nr. xx. xx 2016-imeersoq.**

(Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoq)  
(Siullemeenera)

Tusagassaqartitsiviit demokratimut pingaaruteqarluinnarput. Kikkut tamat oqartussaaqataanerata aqqani tusagassiuutini oqallinnermut aamma minnerunngitsumik tusagassaqartitsiviit pissaanilinnut paarsisutut inissisimanerannut tunngatillugu.

Demokraatini kissaatigaagut tusagassaqartitsiviit nukittuut arlaannaannullu attuumassuteqanngitsut, qularnaarisussat inuiaqatigiinni demokratiskiusumik oqallinnerup pitsaasumik inissisimanissaanut. Tunngaviusumik isumaqarpugut unammilleqatigiinneq pitsaasuusoq kikkut tamarmik ilungersortarmata tunisassiamik allanut naleqqiullugu pitsaanerpaanissaanut. Taama isumaqarnerput aamma tusagassiorfinnut atuuppoq. Taamaattumik pingaartorujussuuvoq tusagassiuutinuq tapiissutit taamaallaat pioreersunut ingerlalluurtunut tusagassaqartitsivinnut tunniunneqartannginnissaat kisiannili aamma tusagassiuutit nutaat imaannaanngissinnaasartumi aallartisarniarnerminni tapissutisarsinnaanissaat periarfissaasariaqarpoq.

Isumaqarpugut siunnersuut manna aallaaviulluarsinnaasoq qularnaarniarlugu tusagassaqartitsiviit assigiinngiaartuunissaat, ingerlasarmata suliniutinuq tapiissutit aamma ingerlatsineranut tapiissutit atorlugit. Suliniummut tapiissutit tassaavoq tusagassiornermi takkuttut nutaat aallartisarnerminni artornarsinnaasumi tapiiffigineqarsinnaanissaminnut periarfissaqarnissaat. Ingerlatsineranut tapiissutip qularnaassavaa, tusagassaqartitsiviit pioreersut atugarissaarnerulernissaat naqiterinissamini aamma aviisinik agguaanissaminni.

Demokraatit isaanni taakku tamarmik pingaaruteqarput.

Siunnersuut suliareqqitassanngorlugu Kulturimut, Ilinniartitaanermut, Ilisimatusarnermut Ilageeqarnermullu Ataatsimiititaliamut innersuupparput.